

3895
1



西 8 伊 8
2895
卷 1-4

卷 8 伊 8
2895
卷 1-4

梁母園志

梁母園志

2895

乾隆癸丑孟夏刻

契丹國志

承恩堂藏版

為故侯骨細川
後成公紀念
劉子侯骨細川
後立寄贈
大正五年三月日

經進契丹國志表

臣隆禮上言伏惟契丹立國強盛逾貳百年祕苑修
書鑑誠垂億千代不量愚瞽冒瀆
淵聰臣誠惶誠懼稽首頓首恭惟
皇帝陛下天挺英奇
神資睿聖

縱觀前史

紆覽宏圖

印五帝三王之心有意建極

陋三國六朝之事奚取亂華然道判汗隆載存媿惡



中朝不競漢北方勇於爭衡五閩紛拏瓊廬遂安於
徙宅載觀大遼之紀號其誰小朝以自居八際洪流
頓起興亡之慨九州重霧忍無裔夏之嗟其契丹國
自阿保機初興迄于天祚之亾立統承家凡二百餘
載臣奉

敕命謹採摭遺聞刪繁剔冗緝爲契丹國志以進淺
短自慙筆削莫措尊王而黜霸庶幾有補於將來外
陰而內陽益宜永鑑於既往所有契丹國志隨表繕
進以

聞臣誠惶誠懼稽首頓首百拜昧死謹言

淳熙七年三月

日秘書丞

臣

葉隆禮上表

契丹國九主年譜

太祖大聖皇帝

諱億番名阿保機

梁均王貞明二年丙子稱

帝國號大契丹改元神冊辛巳改元天贊至丙戌

天贊六年

後唐明宗天成年

秋七月崩在位十一年

太宗嗣聖皇帝

諱德光元名耀屈之太祖第二子

丙戌歲即位丁亥

改元天顯丁酉改元會同國號改大遼丁未會同

十一年

北漢高祖天福元年

夏四月崩在位二十二年

世宗天授皇帝

諱阮番名兀欲太祖之孫東丹王突欲之子

丁未歲即位

戊申改元天祿

北漢隱帝乾祐元年

辛亥天祿四年

後周太祖廣順

元北漢乾祐四年秋九月為燕王述輒等弒新州火神淀

在位五年

穆宗天順皇帝諱景番名述律太宗長子辛亥歲即位改元應祿

至戊辰應祿十八年宋太祖開寶元年秋九月為庖人弒

于黑山下在位一十八年

景宗孝成皇帝諱明記更名賢世宗之子戊辰歲即位改元保寧

甲戌改元乾亨至壬午乾亨九年宋太宗太平興國七年十

二月崩在位十五年

聖宗天輔皇帝諱隆緒景宗之長子癸未歲即位改元統和宋太平興國八年

癸丑統和三十一年改元開泰復改國號

大契丹壬戌改元太平辛未太平十年宋仁宗天聖九年

六月崩於上京在位四十九年

興宗文成皇帝諱宗真番名木不孤聖宗第八子辛未歲即位壬申

改元景福宋仁宗明道元年癸酉改元重熙至乙未重熙

二十三年宋仁宗至和二年八月崩在位二十五年

道宗天福皇帝諱洪基興宗之子乙未改元清寧乙巳改元

咸雍丙午咸雍二年復改國號大遼乙亥改元壽

昌至庚辰壽昌六年宋哲宗元符三年崩在位四十六年

天祚皇帝諱延禧道宗之孫秦王元吉之子辛巳歲即位改元乾統

辛卯改元天慶戊戌天慶八年宋徽宗政和元年

辛丑改元保大至甲辰保大四年宋徽宗政和元年

宗宣和六年金太宗天會二年金太宗舉兵攻遼天祚逃竄夾山金國擒之削封爲海濱王送長白山東築城居之踰年乙巳而卒遼國遂亡在位二十四年

契丹自太祖神冊丙子稱帝至天祚保大甲辰計九主在位首末二百一十五年實歷二百單九年

契丹國初興本末

契丹之始也中國簡輿所不載遠裔草昧復無書可攷其年代不可得而詳也本其風物地有二水曰北也里沒里復名陶猥思沒里者是其一也其源出自中京西馬盂山東北流華言所謂土河是也曰裊羅箇沒里復名女古沒里者又其一也源出饒州西南平地松林直東流華言所謂潢河是也至木葉山合流爲一古昔相傳有男子乘白馬浮土河而下復有一婦人乘小車駕灰色之牛浮潢河而下遇於木葉之山顧合流之水與爲夫婦此其始祖也是生八子

各居分地號八部落一曰祖○一本皆利部二曰一室活部三曰實活部四曰納尾部五曰頻沒部六曰內會鷄部七曰集解部八曰奚嗚部立遺像始祖及八子于木葉山後人祭之必刑白馬殺灰牛用其始來之物也後有一主號曰廼呵此主特一鬪體在穹廬中復之以毡人不得見國有大事則殺白馬灰牛以祭始變人形出視事已即入穹廬復為鬪體因國人竊視之失其所在復有一主號曰喝○一作喝呵戴野猪頭披猪皮居穹廬中有事則出退復隱入穹廬如故後因其妻竊其猪皮遂失其夫莫知所如次復一主號

曰晝里昏呵惟養羊二十口日食十九留其一焉次日復有二十口日如之是三主者皆有治國之能名餘無足稱焉異矣哉毡中枯骨化形治事戴猪服豕罔測所終當其隱入穹廬之時不知其孰為之主也孰為之副貳也荒唐怪誕訛以傳訛遂為口實其詳亦不可得而結也自時厥後牛馬死損詞訟麗淹復遭風雨雪霜之害中遂衰微八部大人後稍整兵三年一會於各部內選雄勇有謀略者立之為主舊主退位例以為常至阿保機為眾所立後併七部而滅之契丹始大原其立國興自阿保機至耶律德光而


寢張遭五季之衰天未厭亂石郎胎釁產禍諸華毒
痛四海飛揚跋扈貪殘僭僭中國帝王名數盡盜有
之冠屨倒植薰蕕共染干戈之慘極矣迨宋真宗屈
已和戎不復以一矢相加遺含容覆護百有餘年聖
興道三主聖宗道宗興宗以來天誘其衷革心慕義貪婪歲
幣顧惜盟好銷烽寢柝號稱無事南北民不知兵各
保首領以沒茲非以德懷遠之明效歟嗟夫宋列聖
之兼愛其德可謂至哉若遼之威服諸夷奄有全燕
何其強也天祚昏孱女真生心深入一呼土崩瓦裂
何其弱也且佳兵者不詳之器也天道好還盛極而

微理固然也故其興也勃焉其亾也忽焉悲夫今據
舊聞哀其本末雖未能考其異而訂其同要之大略
甚不相遠後之英主忠臣志士游今洞古可以鑑矣


契丹地



系之圖



理之圖



契丹國志錄目

第一卷

太祖大聖皇帝

第二卷

太宗嗣聖皇帝上

第三卷

太宗嗣聖皇帝下

第四卷

世宗天授皇帝

第五卷

契丹國志錄目

穆宗天順皇帝

第六卷

景宗孝成皇帝

第七卷

聖宗天輔皇帝

第八卷

興宗文成皇帝

第九卷

道宗天福皇帝

第十卷

天祚皇帝上

第十一卷

天祚皇帝中

第十二卷

天祚皇帝下

第十三卷

后妃傳

太祖述律皇后

太宗蕭皇后

世宗甄皇后

穆宗蕭皇后

景宗蕭皇后

聖宗蕭皇后

興宗蕭皇后

道宗蕭皇后

天祚蕭皇后

天祚文妃

第十四卷

諸王傳

東丹王

恭順皇帝

孝文皇太弟

齊國王隆裕

魯王宗元

晉王宗懿

燕王洪道

梁王信寧

第十五卷

外戚傳

述律魯速

蕭延思

劉珂

蕭守興

蕭孝穆

蕭奧只

第十六卷

列傳

韓延徽

張礪

趙延壽

第十七卷

列傳

蕭翰

麻答

耶律郎五

第十八卷

列傳

盧文進

耶律隆運

劉六符

第十九卷

列傳

馬保忠

張琳

蕭奉先

李儼

耶律余覩

大石

除授番將職名 除授漢官職名

第二十卷

晉表

晉出帝降表

晉李后降表

澶淵誓書

宋眞宗誓書

契丹聖宗誓書

關南誓書

契丹致宋書

宋回契丹書

契丹回宋誓書

議割地界書

契丹求地界書 宋回契丹書

第二十一卷

南北朝饋獻禮物

契丹賀宋朝生辰禮物

宋朝賀契丹生辰禮物

宋朝勞契丹人事物件

外國貢進禮物

新羅國貢進物件

橫進物件

契丹回賜物件

契丹賜奉使物件

西夏國貢進物件

諸小國貢進禮物

高昌國

龜茲國

于闐國

大食國

小食國

甘州

沙州

涼州

契丹回賜物件

第二十二卷

州縣載記

控制諸國

四至地理

四京本末

第二十三卷

族姓原始

國土風俗

併合部落

兵馬制度

建官制度

宮室制度

衣服制度

漁獵時候

試士科制

第二十四卷

王沂公行程錄

富鄭公行程錄

余尚書北語詩

刁奉使北語詩

第二十五卷

張舜民使北記

胡嶠陷北記

第二十六卷

諸蕃國雜記

奚國

古肅慎國

室韋國

新羅國

高昌國

女貞國

黃頭女貞

溫熱者國

渤海國

第二十七卷

歲時雜記

契丹國志

契丹國志目錄終

契丹國志卷之一

太祖大聖皇帝

太祖皇帝諱億番名阿保機乃斡里小子也父
 斡里為夷離巾猶中國刺史帝生而拓落多智
 與眾不羣及壯雄健勇武有胆畧好騎射鐵厚
 一寸射而洞之所寢至夜曾有光左右莫不驚
 怪部落憚其雄勇莫不畏而服之 先是契丹
 部落分而為八以次相代唐咸通末有習爾者
 為王土宇始大其後欽德為王乘中原多故時
 入侵邊及阿保機稱王

崩諡太祖

尤雄勇五姓奚及

契丹國志



七姓室韋咸服屬之太祖擊黃頭室韋還七部
 奴之於境上求如約太祖不得已傳旗鼓且曰
 我為王九年得漢人多請帥種落居古漢城與
 漢人守之自為一部七部許之其後太祖擊滅
 七部復併為一又北伐室韋女貞西取突厥故
 地擊奚滅之復立奚王使契丹監其兵東北諸
 夷皆畏服之梁太祖開平元年契丹遣其臣袍
 笏梅老之梁通好梁遣太府少卿高頌軍將耶
 公遠報聘太祖嘗入攻雲州眾共三十萬晉王
 李存勗唐太祖李克用長子也與之連和面會東城約為

兄弟延之帳中縱酒握手盡歡約以今冬共擊
 梁畱旬日而去晉王贈以金繒數萬太祖畱馬
 三千匹雜畜萬計以酬之太祖既歸國更通好
 于梁

丙子神冊元年梁均王貞明二年是年阿保機始自稱皇帝國
 人謂之天皇王以妻述律氏為皇后置百官建元曰
 神冊國號契丹 初唐末藩鎮驕橫互相併吞鄰藩
 燕人軍士多亡歸契丹契丹日益強大又得燕人韓
 延徽有智略頗知屬文與語悅之遂以為謀主舉動
 訪焉延徽始教契丹建牙開府築城郭立市里以處

漢人使各有配偶墾藝荒田由是漢人各安生業逃亡者益少契丹威服諸國於延徽有力焉頃之延徽逃奔于晉晉王欲置之幕府而掌書記王緘疾之延徽不自安求歸省母遂復入契丹太祖待之益厚至是以為相累官遷中書令平章事

丁神冊二年

梁貞明三年

春二月晉王之弟威塞軍節度

使李存矩在新州驕惰不治邊人嗟怨為小校官彥璋謀殺其裨將盧文進帥其眾奔契丹 三月盧文進分契丹兵馬攻晉新州刺史安金全棄城走文進以其部將劉殷為刺史守之晉王使周德威合河東

鎮定之兵攻之旬日不克太祖帥三十萬眾救之德威大敗奔歸太祖乘勢進圍幽州揚言有眾百萬毡車毳幕彌漫山澤盧文進教之攻城為地道晝夜四面俱起城中穴地燃膏以邀之又為土山以臨城城中鎔鐵汁以酒之日死千計而攻城不止周德威遣使告急于晉王 四月晉王命李嗣源李存審閻寶來援德威 契丹圍幽州且二百日城中危困晉李嗣源等步騎七萬會于易州自易州北行踰大房嶺循澗而東距幽州六十里與太祖遇太祖行山上晉帥行澗下每至谷口太祖以萬餘騎遮其前晉帥失

契丹國志 卷一
色嗣源以百餘騎先進免胄揚鞭蕃語謂曰汝無故
犯我疆場晉王命我將百萬衆直抵西樓滅汝族類
因躍馬奮搥三入陣中斬酋長一人後軍齊進太祖
兵卻晉師始得出李存審命步兵伐木爲鹿角人持
一枝則成寨太祖騎環寨而過寨中發萬弩射之流
矢蔽日人馬死傷塞路將至幽州太祖兵列陣待之
存審命步兵陣於後先令羸兵曳柴燃草而進煙塵
漲天鼓譟合戰乃趣後陣起乘之太祖大敗席卷其
衆自北山歸委弃車帳鎧仗羊馬滿野晉師入于幽
州太祖以盧文進爲盧龍節度使居平州歲入北邊

殺掠吏民盧龍巡屬爲之殘弊

先是幽州七百里有渝關下有渝水通海自
關東北循海有道道狹處纔數尺旁皆亂山
高峻不可越北至進牛口中國嘗置八防禦
軍募土兵守之田租皆供軍食歲致繒纈以
供衣每歲早穫清野以待契丹兵至則堅壁
不戰俟其去則選驍勇據隘邀之契丹常失
利不能輕入及周德威鎮盧龍恃勇不修邊
備遂失渝關之險契丹始芻收於營平之間
盧文進來歸常居平州帥驍奚歲入北邊殺

掠吏民盧龍巡屬爲之殘弊

戊寅神册三年梁貞明四年太祖弟撤刺阿潑號北大王謀

亂事覺太祖數之曰汝爲吾手足而汝與此心吾若

殺汝則與汝何異乃囚之暮年而釋之撤刺阿潑帥

其衆奔晉晉王厚遇之養爲假子任爲刺史

巳卯神册四年梁貞明五年

庚辰神册五年梁貞明六年

巳辛天贊元年神册六年改元時梁均王龍德元年也夏六月朔日食

十二月晉王圍鎮州討張文禮時義武節度使王處直在定州以鎮定爲唇齒恐鎮亡而定孤乃潛遣人

語其子王郁使賂契丹令犯塞以解鎮州之圍乃說

太祖曰鎮州美女如雲金帛如山天皇王速往則皆

爲已物也不然爲晉王所有矣太祖以爲然悉衆而

南述律后曰吾有西樓羊馬之富其樂不可勝窮也

何必勞師遠出以乘危徼利乎吾聞晉王用兵天下

莫敵設有危敗悔之何及太祖不聽遂長驅而南圍

涿州旬日拔之擒刺史李嗣弼進攻定州王處直之

子王都告急于晉王

壬午天贊三年梁龍德二年春正月晉王親率鐵騎五千來

攻先進新城北半出桑林太祖見之稍卻晉王之軍

來遂獲太祖之子契丹兵遂退保望都晉王至定州
 王都迎謁馬前請以愛女妻王之子繼岌晉王趨望
 都遇奚會禿餒契丹將名五千騎為其所困力戰出入數
 四不解李嗣昭引三百騎橫擊之乃退晉王始得出
 因縱兵奮擊太祖兵敗遂北至易州會大雪彌旬平
 地數尺人馬死者相屬太祖乃歸晉王引兵躡之隨
 其行止見其野宿之所布藁於地回環方正皆如編
 剪雖去無一枝亂者歎曰契丹法嚴乃能如是中國
 所不及也晉王至幽州使二百騎躡契丹之後曰如
 出境即還晉騎恃勇追擊之悉為所擒太祖責王郁

禁之以歸自是不聽其謀

癸未天贊三年梁龍德三年唐莊宗李存勗同光元年夏四月己巳晉王

李存勗稱皇帝於魏州牙城之南國號大唐是為莊宗以

魏州為興唐府建東京又於太原府建西京又以鎮

州為真定府建北都時唐國所有凡十三節度五十

州 冬十月朔日食 彗星見出輿鬼長丈餘

是月梁主均王自殺死 契丹日益強盛遣使就唐

求幽州以處盧文進時東北諸夷皆服屬惟渤海未

服太祖謀南征恐渤海掎其後乃先舉兵擊渤海之

遼東遣其將禿餒及盧文進據平營等州以擾燕地

師攻渤海無功而退

甲天贊四年後唐同光二年春正月契丹攻幽州 十二月

攻蔚州唐遣李嗣源禦之

乙天贊五年後唐同光三年夏四月朔日食

丙天贊六年後唐同光四年四月夏四月朔唐莊宗

如汜水嚴辦將發從馬直指揮使郭從謙叛帥所部

兵攻興教門緣城而入近臣宿將皆釋甲潛遁莊宗

為流矢所中而崩年四十三左右皆散善友歛樂器

覆尺而焚之是日李嗣源自罌子谷而入洛陽拾莊

宗骨於灰燼而葬之河南新縣百官勸請嗣源監國

嗣源乃太祖李克用之養子也繼而卽位是為明宗 七月唐遣姚

坤如契丹告哀太祖聞之慟哭曰我朝定見也朝定

猶華言朋友也吾方欲救之以渤海未下不果往致

吾兒及此哭不已又曰今天子聞洛陽有急何不救

坤對曰地遠不能及曰何故自立坤曰新天子將兵

二十年所領精兵三十萬天時人事其可得違其子

突欲在側曰使者母多言蹊田奪牛豈不為過坤曰

應天順人豈比匹夫之事太祖卽慰勞坤曰理正當

如是又曰聞吾兒專好聲色遊畋不恤軍民宜其及

此我自聞之舉家不飲酒散遣伶人解縱鷹犬若亦

效吾兒所爲行自亡矣又曰我於今天子無怨足以
修好若與我大河之北吾不復南侵矣坤曰此非使
臣所得專也太祖怒囚之旬餘復召之曰河北恐難
得鎮定幽州亦得也給紙劄筆趣爲狀坤不可欲殺
之用韓延徽之諫乃復囚之 太祖攻渤海拔其夫
餘城更命曰東丹國命長子突欲鎮之號人皇王一曰
東丹王以其次子德光元名耀守西樓自隨號元帥太
子 先是渤海國王大諲譔本與奚契丹爲唇齒國
太祖初興併吞八部繼而用師併吞奚國大諲譔深
憚之陰與新羅諸國結援太祖知之集議未決後因

遊獵彌旬不止有黃龍在其毡屋上連發二矢殪之
龍墜其前後太子德光於其地建州黃龍府卽其地
也太祖曰吾欲伐渤海國衆計未定而龍見吾前吾
能殺之是滅渤海之勝兆也遂平其國擄其主

紀異錄曰阿保機居西樓毡帳中晨起見黑
龍長十餘丈蜿蜒其上引弓射之卽騰空夭
矯而逝墜于黃龍府之西相去已千五百里
纔長數尺其後女貞滅遼尙藏其骸於內庫
金曾悟室長子源嘗見之尾鬣肢躄皆全雙
角已爲人所截與水龍畫絕相似蓋其背上

蠶不作魚鬣也正文謂射黃龍此謂射黑龍
黃黑色雖不可知而符兆所先抑何彰彰若
是歟

渤海既平乃製契丹文字三千餘言因於所居大部
落置寺名曰天雄寺今寺內有契丹太祖遺像又於木葉山置樓
謂之南樓大部落東一千里謂之東樓大部落西三
百里置樓謂之北樓後立唐州今廢為村大部落之
內置樓謂之西樓今上京是其城與官殿之正門皆
向東闕之四季遊獵往來四樓之間 是月太祖於
夫餘城崩 述律后召諸酋長妻謂曰我今寡居汝

不可不做我又集其夫立問曰汝思先帝乎對曰受
先帝恩豈得不思后曰果思之宜往見之遂殺之
八月朔日食 九月葬太祖於木葉山置州墳側名
曰祖州今有廟其靴尚在長四五尺許諡曰大聖皇
帝廟號太祖 述律后左右有桀黠者后輒謂曰為
我達語於先帝至墓所則殺之前後所殺者以百數
最後平州人趙思溫當往不肯行后曰汝事先帝常
親近何故不行對曰親近莫如后后行臣則繼之后
曰吾非不欲從先帝於地下顧嗣子幼弱國家無主
不得往耳乃斷其一腕令置墓中思溫亦得免 是

月述律后中子德光立

論曰契丹之興本自東胡然人外

內窺

釁中原未若有太祖其盛者也唐末諸藩霧
暗五嶽塵霧赤縣成墟紫宸遷宅太祖奮自
荒陬馳驅中夏漲幽燕而胡塵吞八部以高
嘯雄亦盛矣豈天未厭亂而淫名越號亦可
帖服諸人歟不然何以若斯其鋒也五胡雲
擾聖鼎終移拓拔鯨吞南宇分割雖曰人事
亦有運數存焉

契丹國志卷之一終

契丹國志卷之二

太宗嗣聖皇帝上

太宗諱德光太祖第二子也母曰述律氏帝
誕於大部落東一千里之牙帳生時黑雲覆
帳火光照耀有聲如雷及長美姿貌雄傑有
大志精於騎射平奚渤海二國太祖愛之立
爲元帥太子嘗從太祖至西樓有赤光紫氣
蓋其上左右異之述律后尤所鍾愛太祖崩
於夫餘后欲立之至西樓命帝與突欲太祖長子
俱乘馬立帳前謂諸酋長曰二子吾皆愛之

莫知所立汝曹擇可立者執其轡會長知其
意爭執帝轡后曰衆之所欲吾安敢違遂立
爲天皇王稱帝卽位明年改元天顯突欲慍
欲奔于唐后乃遣歸東丹帝立尊后爲太后
國事皆決焉太后復納其姪爲帝后帝性孝
謹母病不食亦不食嘗侍於母前應對或不
稱旨母揚眉而視之輒懼而趨趨非復召不
敢見也以韓延徽爲政事令聽唐告哀使姚
坤歸國復命阿思沒骨餒徃唐告哀唐明宗
之初年也

丙天贊六年後唐明宗天成年九月帝卽位猶稱天贊六年

冬十月盧龍節度使盧文進守平州唐遣人說之
以易代之後無復嫌怨而文進所部華人皆思歸乃
帥其衆十萬歸唐

丁天顯元年後唐天成年春正月唐主嗣源更名亶 八

月朔日食契丹遣使如唐修好

戊天顯二年後唐天成年春二月朔日食 夏四月唐義

武節度使王都在鎮州謀反詔招討使王晏球等發
諸道兵會討定州晏球攻拔其北關城王都以重賂
求救於奚酋禿餒將名五月禿餒以萬騎突入定州晏

球退保曲陽王都與禿餒就攻之晏球與戰破之
 契丹亦發兵救定州王都悉眾與契丹五千騎合萬
 餘人邀戰晏球集諸將校誓以報國悉去弓矢以短
 兵擊之回顧者斬於是騎兵先進奮搥揮劍直衝其
 陣大破之僵尸蔽野契丹兵死者過半餘眾北走王
 都與禿餒得數騎僅免契丹退師又為盧龍節度使
 趙德鈞邀擊殆無子遺七月契丹復遣其酋長惕隱
 救定州為王晏球逆戰破之追至易州俘斬溺死者
 不可勝數趙德均遣牙將武從諫邀擊擒惕隱等數
 百人餘眾散投村落村人以白挺擊之其得脫者不

過數十人自是契丹為之沮氣更不犯塞 八月契
 丹遣使如唐

巳天顯三年後唐天春二月唐王晏球克定州王都

禿餒欲突圍走不能出定州都指揮使馬讓能開門

納官軍王都舉族自焚擒禿餒送大梁斬之

庚天顯四年後唐明宗夏六月朔日食 十一月契

丹東丹王突欲失職怨望帥其部曲四十人越海奔

唐唐賜姓東丹名慕華明年改賜姓以為懷化節度

使

辛天顯五年後唐長十一月朔日食

壬天顯六年

後唐長興三年

春三月契丹遣使如唐請歸擒

去骨舍利煎刺與惕隱唐乃遣前骨舍利與契丹使

者俱歸契丹以不得煎刺自是數攻雲州及振武

冬十一月唐以石敬瑭

敬瑭娶明宗女承寧公主

為河東節度使

蔚州刺史張彥超與敬瑭有隙聞其為節度使遂叛

降契丹

癸天顯七年

後唐長興四年

冬十一月唐主明宗崩年六十

七明宗性不猜忌與物無競登極以來每夕於宮中

焚香祝天曰某番人因亂為眾所推願天早生聖人

為生民主在位年穀屢豐兵革罕用較之五代粗為

乙天顯九年

後唐清泰二年

夏六月契丹屢攻北邊時石敬

瑭將大兵屯忻州潞王遣使賜軍士夏衣傳詔撫諭

軍士呼萬歲者數四敬瑭懼幕僚段希堯

一作堯請

誅其倡者敬瑭命劉知遠斬三十六人以徇潞王聞

益疑之

丙天顯十年

後唐清泰三年十一月以後

夏五月唐

以石敬瑭為天平節度使敬瑭拒命謀叛唐發兵討

之 秋七月唐殺石敬瑭子弟四人敬瑭令掌書記

桑維翰草表稱臣於契丹帝且請以父禮事之約事

捷之日割盧龍一道及雁門關以北諸州為獻表至

契丹大喜復書許俟仲秋領國赴援 九月契丹帝將兵五萬騎自揚武谷而南至晉陽陳於汾北之虎北口先遣人謂石敬瑭曰吾欲今日卽戰可乎敬瑭遣人馳告曰南軍甚厚請俟明日使者未至契丹已與唐騎將高行周符彥卿合戰敬瑭遣劉知遠將兵助之唐張敬達楊光遠安審琦以步兵陳于城西北山下契丹遣輕騎三千不被甲直犯其陳唐兵逐之至汾西契丹伏兵起衝唐兵斷而爲二縱兵乘之唐大敗死者數萬人敬達等收餘衆保晉安契丹亦引兵歸虎北口敬瑭得唐降兵千餘人劉知遠勸敬瑭

盡殺之是夕敬瑭出見契丹帝問曰皇帝遠來士馬疲倦遽與唐戰而大勝何也帝曰始吾謂唐必斷雁門諸路伏兵險要不可得進使人偵視皆無之是以長驅而深入我氣方銳乘此擊之是以勝也敬瑭歎伏引兵會圍晉安寨置營於晉安之南長百餘里厚五十里多設鈴索吠犬人跬步不能過敬達等士卒猶五萬人馬萬疋四顧無所之遣使告敗唐潞王大懼下詔親征潞王至懷州以晉安爲憂問策於羣臣吏部侍郎龍敏請立李贊華爲契丹主今天雄盧龍二鎮分兵送之自幽州趣西樓朝廷露檄言之契丹

必有內顧之憂然後選募精銳以擊之此亦解圍之一策也潞王深以爲然而執政恐其無成議竟不決潞王憂沮日夕酣飲悲歌羣臣或勸其北行則曰卿勿言石郎使我心膽墮地

冬十月唐詔大括天下將吏及民間馬又發民爲兵每七戶出征夫一人自備鎧仗謂之義軍凡得馬二千餘疋征夫五千人民間大擾十一月契丹帝謂石敬瑭曰吾三千里來赴難必有成功觀汝器貌識量真中原之主吾欲立汝爲天子敬瑭辭讓數四將吏復勸進乃許之契丹帝作策書命敬瑭爲大聖皇

帝

是爲高祖

自解衣冠授之築壇卽位割幽薊瀛莫涿檀

順新媯儒武雲應寰朔蔚十六州以獻契丹仍許歲輸帛三十萬匹制改長興七年爲天福元年勅命法制皆遵明宗之舊以趙瑩爲翰林學士承旨桑維翰爲翰林學士權知樞密使事劉知遠爲侍衛馬軍都指揮使客將景延廣爲步軍都指揮使立晉國長公主爲皇后

契丹圍晉安數月糧竭馬死援兵不至唐將楊光遠安審琦勸招討使張敬達降敬達曰吾受明宗及今上厚恩爲元帥而敗軍其罪已大况降敵乎今援

兵早晚至且當俟之若力盡勢窮諸君○一本斬我

出降未晚也後諸將畢集光遠殺敬達以其首帥諸

將出降契丹主嘉敬達之忠命收葬而祭之謂其下

及晉諸將曰汝曹為人臣當倣敬達也契丹帝與晉

高祖將引兵而南高祖以齊王重貴重貴乃高祖兄敬儒之子以為

養為北京畱守以契丹將高謨翰為先鋒與降卒皆

進至團柏與唐兵戰唐兵大潰死者萬計 晉高祖

將發潞州契丹帝舉酒相屬之曰我若南向河南之

人必大驚駭汝宜自引漢兵南下我令太○又相温

將五千騎衛送汝至河梁余且畱此俟汝音問有急

則下山救汝若洛陽既定吾即北返矣因執手而泣

別解白貂裘以衣晉高祖并贈良馬二千匹戰馬一

千二百匹曰世世子孫勿相忘又曰劉知遠桑維翰

趙瑩皆創業功臣無大故勿相弃也 晉高祖自太

原入洛陽帝親送至潞州唐樞密使趙德鈞及子趙

延壽延壽尚明宗女出降先是德鈞陰遣人聘契丹求立為

帝帝乃指穹廬前巨石謂鈞使者曰吾已許石郎矣

石爛可改也帝至潞州鑠德鈞父子而去述律太后

見之問曰汝父子自求為天子何邪德鈞慙不能對

悉以田宅之籍為獻后問何在曰幽州后笑曰幽州

屬我也何獻之爲德鈞益慙自是鬱鬱不多食踰年而死德鈞旣卒國主釋延壽而用之

紀異錄曰契丹主德光嘗晝寢夢一神人花冠美姿容輜駟甚盛忽自天而下衣白衣佩金帶執鎗鏢有異獸十二隨其後內一黑色兔入德光懷而失之神人語德光曰石郎使人喚汝汝須去覺告其母忽之不以爲異後復夢卽前神人也衣冠儀貌宛然如故曰石郎已使人來喚汝旣覺而驚復以告母母曰可命筮之乃召胡巫筮言太祖從西樓來言

中國將立天王要你爲助你須去未浹旬唐石敬瑭反於河東爲後唐張敬達所敗亟遣趙瑩持表重賂許割燕雲求兵爲援契丹帝曰我非爲石郎興師乃奉天帝勅使也率兵十萬直抵太原唐師遂屺立石敬瑭爲晉帝後至幽州城中見大悲菩薩佛相驚告其母曰此卽向來夢中神人冠冕如故但服色不同耳因立祠木葉山名菩薩堂德光生於癸卯年黑兔入懷此其兆也中原喪亂視淵勒過之豈陰山之北天亦固兆冥符而啟嘉瑞

唐王潞王命河陽節度使萇從簡與趙州刺史劉在明守河陽南城遂斷浮梁歸洛陽殺東丹王李贊華
晉高祖至河陽萇從簡迎降舟楫已具 潞王議復向河陽將校皆已飛狀迎晉高祖高祖慮潞王西奔遣契丹千騎扼沁池潞王與曹太后劉皇后并子雍王重美及宋審虔等攜傳國寶登玄武樓潞王自焚死年五十一劉皇后欲燒宮室重美諫曰新天子至必不露居他日重勞民力死而遺怨乃止后與重美俱死是日晚晉高祖入洛陽唐兵皆解甲待罪高

歟

祖命知遠部署京城知遠分漢軍使還營館契丹軍於天宮寺城中肅然無敢犯令 十二月晉追廢潞王為庶人以馮道同平章事

丁酉會同元年

晉天福二年

春正月日食

是年改元會同

國號大遼 公卿百官皆徬中國參用中國人以趙延壽為樞密使尋兼政事令

後封燕王

遼帝遣使如洛陽

取延壽妻唐國長公主以歸 二月遼帝歸北過雲州節度使沙彥珣出迎降遼帝留之判官吳巒在城中謂其衆曰吾屬禮義之俗安可臣事契丹乎衆推巒領州事閉城不受命攻之不克 應州郭崇威亦

耻臣契丹挺身南歸張礪逃歸爲追騎所獲遼帝責
之對曰臣華人飲食衣服皆不與此同生不如死願
蚤就戮遼帝顧通事高唐英曰吾常戒汝善遇此人
何故使之失所而亡若失之安可復得耶答唐英而
謝之礪甚忠直遇事輒言無隱遼國作帝甚重之
三月晉得潞王潸及髀骨詔以王禮葬於徽陵南明
宗陵夏四月晉遷都汴州 五月吳徐誥欲結遼取
中國遣使以美女珍玩泛海修好遼常亦遣使報之
秋七月吳徐誥稱帝國號南唐後復姓名李昇 遼
以幽州爲南京大都爲上京渤海夫餘城爲東京

戊戌會同二年

晉天福三年

春正月朔日食

秋七月晉作

受命寶以受天明命惟德允昌爲文 八月晉上尊
號於遼帝及太后以同平章事馮道左僕射劉昫爲
冊禮使遼帝大悅晉帝事遼甚謹奉表稱臣謂遼爲
父皇帝每遼使至卽於別殿拜受詔勅每歲輸金帛
三十萬之外吉甯慶吊歲時贈遺相繼於道乃至太
后元帥太子諸王大臣皆有賂遺然所輸金帛不過
數縣租賦其後遼帝屢止晉帝上表稱臣但令爲書
稱兒皇帝如家人禮 冬十月遼遣使奉寶冊加高
祖尊號曰英武明義皇帝

紀會同三年晉天福四年秋七月朔日食 八月晉以故

唐明宗子許王從益為郟國公以奉唐

子庚會同四年晉天福五年初晉割雁門之北賂遼由是吐

谷渾皆屬于遼苦其貪虐思歸中國晉成德節度使

安重榮復誘之 春正月吐谷渾使其部落千餘帳

奔晉遼帝大怒遣使讓晉高祖遣兵逐之使還故土

辛會同五年晉天福六年夏六月晉安重榮耻臣事遼見

其使者至必箕踞慢罵或潛遣人殺之遼以為讓晉

高祖為之遜謝後重榮執遼使拽刺遣輕騎掠幽州

南境上表稱吐谷渾兩突厥渾契苾沙陁各帥部眾

歸附党項國名等亦納遼告牒言為遼所陵暴願自備

十萬眾與晉共擊遼高祖不許

壬會同六年晉天福七年夏六月遼以晉招納吐谷渾遣

使來責讓晉高祖憂悒成疾一旦馮道獨對高祖命

幼子重睿出拜之又令宦者抱置道懷中蓋欲馮道

輔立之是月高祖崩年五十一馮道與侍衛馬步都

虞候景延廣議以國家多難宜立長君乃奉齊王重

貴為嗣是日即位是為出帝

晉高祖崩大臣議奉表稱臣告哀於遼景延廣請致

書稱孫而不稱臣時李崧曰陛下如此他日必躬擐

甲冑與遼戰於時悔無益矣延廣固爭馮道依違之間晉出帝卒從延廣議遼帝大怒遣使來責讓延廣復以不遜語答之 盧龍節度使趙延壽欲代晉帝中國屢說遼擊晉遼帝頗然之

癸卯會同七年 晉天福八年 春二月晉聞遼將入攻遂還東京然問遺相往來無虛月

是月南唐主昇殂齊王璟立 夏四月朔日食 秋九月先是河陽牙將喬榮從趙延壽入遼遼帝以爲回圖使往來販易於晉置邸大梁至是景延廣說晉帝囚榮於獄凡遼國販易在晉境者皆殺之奪其貨

大臣皆言遼國不可負乃釋榮慰賜而歸之榮辭延廣延廣大言曰歸語而主先帝爲北朝所立故稱臣奉表今上乃中國所立所以降志於北朝正以不敢忘先帝盟約故耳爲隣國稱孫足矣無稱臣之理翁怒則來戰孫有十萬橫磨劔足以相待他日爲孫所敗取笑天下母悔也榮乃曰公所言頗多恐有遺忘願記之紙墨延廣命吏書其語以授之榮具以白遼帝遼帝大怒入攻之志始決晉使如遼者皆繫之桑維翰屢請遜辭謝遼每爲延廣所沮晉帝以延廣爲有定策功又總宿衛兵故大臣莫能與之爭河東節

度使劉知遠知延廣必致遼來攻而不敢言但益募兵增置十餘軍以備 十二月晉平盧節度使楊光遠遣騎密告遼以晉境大饑乘此攻之一舉可取趙延壽亦勸之遼帝乃集兵五萬使延壽將之經畧中國曰若得之當立汝為帝延壽信之為盡力晉帝頗聞其謀遣使徵近道兵以備之

甲辰會同八年

晉出帝開運改元

春正月遼用趙延壽趙延照

為前鋒將兵入攻逼晉貝州先是晉朝以貝州水陸要衝多聚芻粟為大軍數年之儲軍校邵珂性兇悖節度使王令溫黜之珂怨望密遣人亡入遼言貝州

易取會令溫入朝執政以吳巒權知州事遼帝親攻貝州巒悉力拒之燒其攻具殆盡珂引遼兵自南門入巒赴井死遂陷貝州所殺且萬人晉以高行周為都部署與符彥卿皇甫遇等將兵禦之晉帝遣使齎書遺遼帝時遼帝已屯鄴都不得通而返晉帝至澶州遼帝屯元城別將攻太原晉詔劉知遠杜威馬全節張彥澤等將兵拒之於黎陽復遣譯者孟守忠致書於遼帝求脩舊好遼帝復書曰已成之勢不可改也會遼偉王在秀容失利遼帝兵自雅谷歸傅州刺史周儒叛降 二月周儒引麻荅太宗從弟自馬家口濟

魏書 卷二
河營於東岸攻鄆州北津晉帝自將兵及遣李守貞
等分道擊之遼師敗績 三月遼帝僞奔元城去伏
精騎於古頓丘城以俟晉軍與恒定之兵合而來擊
大軍欲進追之會霖雨而止遼兵人馬饑疲趙延壽
曰晉軍悉在河上畏我鋒銳必不敢前不如卽其城
下四合攻之奪其浮梁則天下定矣遼帝從之親將
兵十餘萬陣於澶州城北與晉高行周合戰自午至
晡互有勝負遼帝以精兵當中軍而來晉帝亦出陣
待之遼帝望見晉軍之盛謂左右曰楊光遠言晉兵
已半餒死今何其多也精騎左右掠陣晉軍不動萬

弩齊發飛矢蔽地遼帝稍卻兩軍死者不可勝數昏
後各引去遼帝自澶州北分爲兩軍一出滄德一出
深冀而歸時遼帝帳中有小校亡來云遼帝已傳木
書收軍北去景延廣疑有詐閉壁不敢追遼帝北歸
所過焚掠民物殆盡 夏四月晉因遼國入侵國用
逾竭遣使三十六人分道括率民財各封劔以授之
使者多從吏卒攜鎖械刀杖入民家大小驚懼求死
無地州縣吏復因緣爲姦先是晉楊光遠叛命兗州
脩守備節度使安審信亦以治樓堞爲名率民財以
實私藏民力大困 晉遣李存貞討楊光遠於青州

契丹國志 卷二
遼救之不克 九月朔日食 遼師攻遂城樂壽代
州刺史白文珂戰于七里烽遼師敗績 十二月晉
師圍青州經時城中食盡餓死者大半遼援兵不至
楊光遠遙稽首於遼曰皇帝皇帝誤光遠矣其子承
勳勸光遠降冀全其族光遠不許承勳乃斬勸其父
反者判官邱濤送其首於守貞縱火大譟劫其父出
居私第上表待罪開城納官軍 閏月晉以楊光遠
罪大而諸子歸命難於顯誅命守貞便宜從事守貞
遣人拉殺光遠以病死聞起復其子承勳除汝州防
禦使

是月遼復大舉攻晉趙延壽引兵先進至邢州

契丹國志卷之二終

契丹國志卷之三

太宗嗣聖皇帝下

乙巳會同九年

晉開運二年

春正月遼師至邢洛磁三州至

於安陽河千里之內焚剽迨盡遼主見大桑木罵曰
吾知紫披襖出自汝身吾豈容汝活耶束薪於木而
焚之 時晉出帝病不能征遣張從恩馬全節安審
琦皇甫遇悉兵陳于相州安陽水之南皇甫遇與濮
州刺史慕容彥超將數千騎前覘至鄴都遇遼師數
萬遇等且戰且卻至榆林店遼師大至二將死戰自
午至未百餘合殺傷甚衆日暮安陽諸將恠覘兵不

還安審琦卽引騎兵出遼師自相驚曰晉軍悉至矣
遂引兵退時遼帝在邯鄲聞之卽時北去 二月遼
發羸兵驅牛羊過祁州城下晉刺史沈斌出兵擊之
遼以精兵奪其門州兵不得還趙延壽引兵急攻之
斌在城上延壽語之曰使君何不早降斌曰侍中父
子失計陷身北廷忍帥契丹以殘父母之邦不自愧
耻更有驕色何哉沈斌弓折矢盡寧爲國家死耳終
不憊公所爲明日城陷斌自殺 三月遼師還軍南
下晉都排陣使符彥卿等來擊遼師敗走 夏四月
晉杜威等諸軍會于定州攻遼秦州降之取蒲城獲

遼二千人取遂城趙延壽部曲有降者言遼帝還至
虎北口聞晉取秦州復擁八萬餘騎南向計來夕當
至威等懼退至陽城遼師大至晉師與戰逐北十餘
里遼師踰白溝而去晉師結陣而南遼騎四合如山
諸軍力戰拒之人馬饑渴至白團村埋鹿角爲行寨
遼師圍之數重奇兵出寨後斷糧道是夕東北風大
起營中人馬俱渴掘井輒崩至曙風甚遼帝坐奚車
中命鉄鷄四面下馬拔鹿角而入奮短兵以擊之兵
又順風縱火揚塵以助其勢諸將憤怒皆願出一戰
符彥卿等引精兵出西門諸將繼之遼師卻數百步

風勢益甚昏晦如夜彥卿等擁萬餘騎橫擊遼師號呼聲動天地大敗而走勢如崩山至幽州散兵稍集帝以軍失利杖其酋長各數百諸軍引歸出帝亦還大梁 六月晉遣使如遼 遼連歲入侵中國疲於奔命邊民塗地人畜多死國人厭苦之述律太后謂帝曰使漢人為遼主可乎曰不可太后曰然則汝何故欲為漢帝曰石氏負恩不可容后曰汝今雖得漢地不能居也萬一蹉跌悔所不及又謂羣下曰漢兒果何得一餉眠自古但聞漢和番不聞番和漢漢兒果能回意我亦何惜與和 晉桑維翰屢勸出帝復請

和以紆國患遣供奉官張徽奉表稱臣詣遼謝過帝曰使景延廣桑維翰自來仍割鎮定兩道隸我則可和出帝以遼語忿謂其無和意乃止及帝入大梁謂李崧等曰向使晉使再來則南北不戰矣 八月朔日食

丙午會同十年晉開運三年春二月朔日食 夏四月晉定州指揮使孫方簡叛降 六月遼攻定州晉遣李守貞為都部署將兵禦之 八月晉張彥澤敗遼師於定州北 冬十月晉遣杜威李守貞將兵攻遼 十一月晉帥杜威李守貞會兵至羸州城門洞啟寂若

無人威等不敢進聞遼將高謨翰先已引兵潛出威遣梁漢璋將二千騎追之漢璋敗死威等遂引兵而南十二月遼師大舉入攻趨恒州杜威等聞之將自冀貝而南張彥澤時在恒州引兵會之言遼兵可破之狀威等乃復趨恒州以彥澤爲前鋒與遼兵夾淨沱而軍遼兵恐晉軍渡河與恒州合勢議領兵還及聞晉軍築壘爲持人計遂不去磁州刺史李穀說杜威及李守貞曰今大軍去恒州咫尺煙火相望若多以三股木置水中積薪布土其上橋可立成密約城中舉火相應夜募壯士斫虜營而入表裏合勢

逃遁必矣諸將皆以爲然獨杜威以爲不可遣李穀出督懷孟軍糧遼以大兵當晉軍之前潛遣蕭翰將百騎出晉軍之後斷晉糧道及歸路樵採者遇之悉爲所掠有逸歸者皆稱遼師之盛又獲晉民皆黥其面曰奉勅不殺縱之南走運夫在道遇之皆棄車驚潰李穀密奏出帝具言遼兵危急之勢請幸滑州及發兵守澶州河陽以備奔衝杜威亦奏請益兵晉詔悉發守宮禁者數百人赴之威又遣使告急還爲遼兵所獲自是出帝與軍前聲問兩不相通開封府尹桑維翰以國家危在旦夕求見言事出帝方在

苑中調鷹辭不見又詣執政言之執政不以爲然退
謂所親曰晉氏不血食矣

晉出帝欲自將北征李彥韜諫而止 晉奉國都指
揮使王清戰死 杜威與李守貞宋彥筠謀降威潛
遣腹心詣遼邀求重賞遼帝給云許以中國與之爲
帝威喜遂定降計召諸將出降表使署名乃命軍士
出陳於外軍士皆踊躍決爲一戰及告以出降令其
釋甲軍士大哭聲振原野 遼帝遣趙延壽衣赭袍
至晉營慰撫士卒亦以赭袍衣杜威其實皆戲之耳
威引遼帝至恒州城下順國節度使王周降 帝

領兵南向自易定趣恒州威將降兵以從遣張彥澤
將二千騎先取大梁以通事傳住見爲都監杜威之
降也皇甫遇初不預謀帝欲遣遇先入大梁遇辭退
謂所親曰吾位爲將相敗不能死何面目復南行至
平棘遂扼吭而死

是月張彥澤倍道疾驅夜渡白馬津晉出帝召李崧
馮玉李彥韜入禁計事欲詔劉知遠發兵入援明日
彥澤自封丘門斬關而入城中大擾出帝於宮中起
火自攜劍驅後宮十餘人將赴火爲嬖臣薛超所持
俄而彥澤自寬仁門傳遼帝與太后書慰撫之乃命

魏大國志 卷三 五
滅火與后妃聚泣召范質草降表自稱孫男臣重貴
禍至神感運盡天亡今與太后及妻馮氏舉族面縛
待罪遣男延煦延寶奉國寶出迎太后亦上表稱晉
室皇太后李氏妾傳住見入宣遼帝遣解里命出帝
脫黃袍衣素袍再拜受宣曰孫無憂管取一喫飯處
又詰以所獻傳國寶非真出帝奏頃唐潞王從珂自
焚舊傳國寶不知所在此先帝所爲群臣備知乃止
有司欲使啣璧牽羊大臣輿襯迎於郊外遼帝曰吾
遣奇兵取大梁非受降也不許又詔晉文武群僚一
切如故朝廷制度並用漢禮出帝使人詔彥澤彥澤

笑而不答且召桑維翰景延廣或勸維翰逃去維翰
曰吾大臣逃將安之坐而俟命彥澤以出帝命召之
維翰至天街遇李崧駐馬語未畢有軍吏於馬前揖
維翰赴侍衛司維翰知不免顧謂李崧曰侍中當國
今日國亡反令維翰死之何也崧有愧色 彥澤偃
坐見維翰維翰切責之曰去年拔公於罪人之中復
領大鎮授以兵權何乃負恩至此彥澤無以應遣兵
守之彥澤縱兵大掠二日都城爲之一空彥澤自謂
有功於遼旗幟皆題赤心爲主見者笑之彥澤迫遷
出帝於開封府頃刻不得留見者流涕帝與太后皇

其丹國志 卷三
后肩輿宮嬪宦者十餘人皆步從以內庫金珠自隨
彥澤曰此物不可匿也帝悉歸之彥澤悉輦以歸私
第彥澤遣控鶴指揮使李筠以兵守出帝內外不通
所上遼表章皆先示彥澤乃敢上遣使取內庫帛主
者不與曰非帝之物也求酒於李崧崧曰臣家有酒
非敢惜慮陛下憂躁飲之有不測之虞所以不敢進
欲見李彥韜彥韜亦不往出帝姑烏氏公主私賂守
門者得入與帝訣歸第自經死 遼帝初渡河出帝
欲郊迎彥澤不聽遣白遼帝報曰天無二日豈有兩
天子相見於道路耶乃止 晉王子延煦母楚國

夫人丁氏有美色彥澤使人劫取之 彥澤殺桑維
翰以帶加頸白帝云其自經帝命厚撫其家 高行
周符彥卿皆詣降帝以陽城之敗責之彥卿曰臣當
時惟知爲晉王竭力今日死生惟命帝笑而釋之
帝又遣兵趣河陽捕景延廣延廣見帝於封丘帝責
之曰致兩主失歡皆汝所爲也十萬橫磨劍安在召
喬榮使相辯證榮出衣襟所藏書乃以十事責延廣
每服一事授一牙籌授至八籌帝叱鎖之後命押送
歸本國宿陳橋夜分扼吭而死

丁會同十一年 晉開運四年是歲晉亡二月劉知遠
立六月改國號曰漢稱天福十二年

高帝春正月朔晉文武百官遙辭出帝於都城北素服紗帽迎降俯伏路側請罪帝命起改服撫諭之出帝太后迎於封丘門外帝辭不見館于封禪寺遣其將崔延勳以兵守之是時雨雪連旬外無供億上下凍餒太后使人謂寺僧曰吾嘗於此飯僧數萬今日豈不相憫邪僧辭以遼帝之意難測不敢獻食出帝陰祈守者乃稍得食 帝初入門民皆驚走遣通事諭之曰我亦人也汝曹勿懼會當使汝曹蘇息我無心南來漢兵引我至此耳至明德門下馬拜而後入晉宮中嬪妃迎謁皆不顧日暮復出屯於赤崗執楊

承勳責其劫父楊光遠叛嚮而食之 先是張彥澤

與閣門使高勳有隙乘醉入其家殺其叔一本無叔字父

及弟而去後帝至京師聞彥澤劫掠怒而鎖之高勳

與百姓亦爭投牒疏其惡乃命高勳監刑彥澤前所

殺士大夫子孫皆經杖哭隨詬罵以杖朴之彥澤俛

首無一言行至北市斷腕出鎖然後用刑勳命割其

心祭死者市人爭破其腦取髓嚮其肉而食之

帝初入宮諸門皆用兵守衛磔犬於門以竿懸羊皮

於庭爲厭勝法謂晉群臣曰自今不脩甲兵不市戰

馬輕賦省役天下太平矣改服中國百官皆如舊制

以李崧為太子太師充樞密使馮道守太傅於樞密院祇候及一本此下有分字遣使詔賜晉之藩鎮藩鎮大臣爭上表稱臣惟彰義節度使史匡威據涇州拒遼而雄武節度使何重建以秦階成州降蜀 帝悉收晉降卒鎧仗貯恒州驅馬歸北國以遼騎擁降卒而納之河流趙延壽勸分以戍邊由是得免散遣還營遼降出帝為光祿大夫校檢太尉封負義侯遷於黃龍府即慕容氏和龍城也帝使人謂太后曰吾聞爾子重貢不從母教而至于此可求自便勿與具行太后答曰重貴事妾甚謹所失者違先君之志絕兩國之歡然重

貴此去幸蒙大惠全生作身保家毋不隨子欲何所歸於是太后與馮后皇弟重睿子延煦延寶舉族從晉侯而北以宮女五十宦者三十東西班五十醫官一控鶴官四御厨七茶酒司三儀鸞司三六軍士二十人從衛以騎兵三百又遣趙瑩馮玉李彥韜與之俱所經州縣皆故晉將吏有所供饋不得通路傍父老爭持羊酒為獻衛兵擁隔不得使一作見皆涕泣而去舊臣亦無敢進謁者獨磁州刺史李穀迎謁於路傾貲以獻晉侯至中度橋見杜威塞嘆曰天乎我家何負於汝為此賊所破慟哭而去 帝廣受四

方貢獻大縱酒作樂趙延壽請給上國兵食帝曰吾國無此法乃縱遼騎四出剽掠謂之打草穀丁壯斃於鋒刃老弱委於溝壑自東西兩畿及鄭滑曹濮數百里間財畜殆盡 晉北面行營都統劉知遠遣客將王峻奉表稱臣帝賜詔褒美親加兒字於知遠姓名之上仍賜以木拐胡法以優禮大臣如漢賜几杖之比 荆南節度使高從誨遣使入貢 唐主遣使賀帝滅晉且請詣長安脩復諸陵帝不從 二月朔帝冠通天冠絳紗袍執大圭視朝華人皆法服北人仍遠服立於文武班百官朝賀帝問百官曰中國之

俗異於吾國吾欲擇一人君之何如皆曰裔夏之心皆願戴皇帝於是下制以晉國稱大遼大赦天下 燕王趙延壽以遼帝負約心常快快乞爲皇太子帝曰吾於燕王無所愛惜雖我皮肉可爲燕王用者吾亦割也吾聞皇太子當以天子兒爲之燕王豈得爲之因令延壽遷官張礪奏擬爲中京留守大丞相錄尚書事都督中外諸軍事帝塗去錄尚書事都督中外諸軍事而行之 晉劉知遠稱帝於晉陽自言未忍改晉國開運之名乃更稱天福十二年詔諸道爲遼國括率錢帛者皆罷之 劉知遠自將東迎晉侯

至壽陽聞已經數日乃留兵戍承天軍而還晉侯自幽州十餘里過平州沿途無供給飢不得食遣宮女從官採木實野蔬而食又行七八日至錦州衛兵迫拜太祖畫像不勝屈辱而呼曰薛超悞我不令我死馮后求毒藥欲與晉侯俱自死不果又行五六日過海北州至東丹王墓遣延煦拜之又行十餘日渡遼水至渤海國鉄州又行七八日過南海府遂至黃龍府 帝聞劉知遠卽位遣耿崇美守澤潞高唐英守相州崔延勳守河陽以控扼要害淫塗陽賊帥梁暉夜遣壯士踰相州城啟關納衆殺遼兵數百據州自

太宗

紀異錄曰遼帝太宗在藥城病時上京西十八里山有獵人見太宗容貌如故乘白馬追奔一白狐因射殺之獵人驚國主南征未回何忽至此因獲其死狐并箭失國主所在不浹旬而凶問至驗其日乃得疾之日驗其箭則國主南征所帶之箭失其一矣國人於其地置堂塑白狐形并箭在焉名曰白狐堂今其陵之側創置懷州是也茫茫中原紅塵暗之殺狐識應白狐崇之斯豈天道好還而運

數亦爲之冥合歟

五月永康王元欲立

論曰太祖之興燎灰灼原矣太宗繼之承祖父遺基擅遐陬英氣遂登大寶誕受鴻名然石即之消息乃中原之大禍幽燕諸州蓋天造地設以分番漢之限誠一夫當關萬夫莫前也石晉輕以昇之則關內之地彼扼其吭是猶飽虎狼之吻而欲其不搏且噬難矣遂乃控弦鳴鏑徑入中原斬馘晉人肆其窮黷卷京洛而無敵空四海以成墟謀夫虓將卒莫敢睨而神州分裂

強諸侯代起爲帝亦莫之究矣

契丹國志卷之三



契丹國志卷之四

世宗天授皇帝

世宗諱阮番名兀欲太祖孫東丹王突欲之子也東丹王歸唐卒於滑州太宗南入大梁兀欲■駕於後求父遺骸命太宗會同十一年四月歸崩於樂城燕王趙延壽恨太宗負許代中國之約即日引兵入恒州帝以領兵繼入遼諸將密議奉帝爲主登鼓角樓受叔兄拜而延壽不知自稱受太宗遺詔權知南朝軍國事下教布告諸道所以供饋帝與諸將同帝恨之鎮州

諸門管鑰與夫倉庫出納皆帝親掌之或說延壽曰遼諸大人數日聚謀此必有變今漢兵不滿萬人不若先事圖之延壽不決下令以來月朔日於待賢館上事受賀大臣李崧等以遼帝之意難測乃止

丁未會同十一年時漢高祖稱天福十二年夏五月帝召趙延壽張

礪李崧馮道於所館飲酒帝妻素以兄事延壽酒數行帝從容謂延壽曰妹自上國來寧欲見之乎延壽與俱入食頃帝出坐笑謂張礪等曰燕王謀反已鎖之矣諸君可無慮矣又曰先帝在汴州與我算子一

莖許我知南朝軍國事昨日臨崩別無遺詔一作除話

燕王安得擅立邪一日帝至待賢館受蕃漢官謁賀笑謂張礪等曰燕王果於此即位吾以鉄騎圍之諸

公亦不免矣後數日集蕃漢諸臣於府署宣太宗遺制曰永康王太聖皇帝之嫡孫人皇王之長子太后

鍾愛群情允歸可於中京即皇帝位中原契丹也於是

舉哀成服既而易告服見群臣受賀更不復行長禮歌吹之聲不絕於內是年猶稱會同帝以太宗有子在國已以兄子襲位又無述律太后之命內不自安初太祖崩於夫餘城述律殺酋長及諸將數百人

太宗復崩於境外酋長諸將懼死乃謀奉帝欲勒兵
 北歸使麻荅麻荅太宗從弟為中京留守以前武州刺史高
 奉明為安國節度使晉文武官及士卒悉留之獨以
 翰林學士徐台符李澣及後宮宦者教坊人自隨逆
 律太后聞帝立怒曰我兒南征東討有大功業其子
 在我側者當立汝父弃我走投外國乃大逆人也豈
 得立逆人之子為帝乎發兵拒之遣偉王為前鋒相
 遇於石橋太后以李彥韜為排陣使彥韜迎降於偉
 王太后兵敗帝幽太后於太祖墓側自稱天授皇帝
 以高勳為樞密使帝慕中華風俗多用晉臣而荒于

酒色侮諸宰執由是國人不附諸部數叛興兵追討
 故數年不暇南征 先是述律太后徙晉侯并后于
 懷密州去黃龍府西北一千五百里行過遼陽二百
 里而述律太后為帝所囚晉侯與后復得還於遼陽
 稍有供給 蕭翰矯遺制命唐許王從益知南朝軍
 國事召赴恒州時許王從益及王淑妃俱匿於徽陵
 下宮不得已為出翰立為帝帥諸酋拜之淑妃泣曰
 吾母子卑弱如此而為諸公所推是禍吾家也願諸
 公宜早迎新主自求多福勿以吾子母為意眾感其
 言許王遣使奉表稱臣迎北漢主劉知遠仍出居私

第 漢王入洛汴州百官奉表來迎諭以受遼補署
者皆勿疑聚其告牒而焚之命鄭州防禦使郭從義
先入大梁清宮密令殺許王及王淑妃淑妃且死曰
吾兒何罪而死何不留之每歲寒食以一盂麥飯灑
明宗陵乎聞者泣下 漢主至大梁晉之藩鎮相繼
來降復以汴州為東京改國號曰漢仍稱天福年號
曰余未忍忘晉也 明年遼國改元天祿

戊天祿元年

二月漢主隱帝承
祐立乾祐元年

春正月漢主知遠更

名嵩 召蘇逢吉楊邠史弘肇郭威入受顧命曰承
祐幼弱後事託在卿輩又曰善防杜重威是日殂逢

吉等秘不發喪下詔稱重威父子因朕小疾謗義搖
衆皆斬之磔尸于市市人爭啖其肉 二月漢主第

二子周王承祐立時年十八

是為
隱帝

初遼帝北歸至

定州以孫方簡為大同節度使方簡怨恚不受命帥
其黨三千人保狼山故寨攻之不克未幾遣使降漢
漢主復其舊官使扞遼國時麻答等焚掠定州悉驅
其人弃城北去方簡自狼山帥其衆數百還據定州
於是晉末州縣陷遼者皆復為漢有矣麻答歸至其
國帝責其失守麻答不服曰朝廷徵漢官致亂爾帝
鳩殺之 夏四月帝至遼陽晉侯白衣紗帽與太后

皇后詣帳中上謁帝令晉侯以常服見侯伏地而泣
自陳過咎帝使人扶起之與坐飲酒奏樂而帳下伶
人從官望見故主皆泣下悲不自勝爭以衣服藥餌
爲遺 五月帝上陘取晉侯所從宦者十五人東西
班五十人及皇子延煦而去 帝有妻兄禪奴利聞
晉侯有女未嫁求之乃辭以幼後數日帝遣騎取之
以賜禪奴利 六月朔日食 陘北地尤高涼北人
常以五月上陘避暑八月下陘至八月帝下陘太后
自馳至霸州謁帝求於漢兒城側賜地種牧以爲生
許之帝以太后自從行十餘日遣與延煦俱還遼陽

巳酉天祿二年

漢乾祐二年

春二月徙晉侯太后于建州中

途安太妃卒遣令晉侯焚骨爲灰南向賜之庶幾遺

魂得反中國也自遼陽東南行于二百里至建州節

度使趙延

一作元暉

避正寢以館之去建州數十里外

得地五十餘頃侯遣從者耕以給食頃之太宗之子

述律王遣騎取晉侯寵姬趙氏聶氏而去 夏四月

太白晝見 六月朔日食 冬十月遼攻河北

郭威督諸將禦之

庚戌天祿三年

漢乾祐三年

秋八月故晉李太后病無醫藥

常仰天號泣戟手罵杜重威李守貞曰吾死不置汝

疾亟謂晉侯曰我死焚其骨送范陽佛寺無使我為
遼地鬼也是月后卒周顯德中有中國人自遼來者
云晉主及皇后諸子尚無恙其從者亡歸及物故則
過半矣十一月朔日食漢郭威反隱帝出奔至
趙村追兵已至隱帝下馬入民家為郭允明所殺時
冬十一月也郭威等帥百官迎武寧節度使劉贇
高祖弟為主十二月郭威攻遼至澶州將發將士
數千人忽大譟曰天子須侍中自為之將士已與劉
氏為讎不可立也或裂黃旗以被威體共共抱之呼
萬歲推立為帝威乃上太后牋請奉漢宗廟事太后

為母下書撫諭大梁士民勿有憂疑遷故主贇於外
館太后誥廢贇為湘陰公

辛亥天祿四年


北漢乾祐四年

春正月漢太后下誥授郭威監

國符寶即皇帝位國號曰周建元廣順是月弑漢
湘陰公贇於宋州漢高祖之弟劉崇稱帝於晉陽仍
用乾祐年號所有者并汾忻代嵐憲隆蔚沁遼麟石
十二州之地二月遼帝聞北漢主立使招討使潘聿
撚遣其子劉承鈞書漢主使承鈞復書言本朝淪亡
欲循晉室故事求援帝大喜至是北漢主遣使如遼
乞兵夏四月遼帝遣使如北漢告以周使田敏來

約歲輸錢十萬緡北漢主使鄭珙以厚賂謝遼致書稱姪請行册禮帝大喜命燕王述輒册命北漢主爲大漢神武皇帝更合旻妃爲皇后尋遣其翰林學士衛融等詣遼稱謝且請兵 九月北漢主自團栢攻周帝欲引兵會之與酋長議於九十九泉諸部皆不欲南帝強之行至新州之火神淀燕王述輒及偉王之子大寧王漚僧等率兵作亂弑帝而述輒自立齊王述律太宗之子逃於南山諸大臣奉之以攻述輒漚僧殺之并其族黨立述律爲帝改元應祿 世宗在位凡五年崩廟號世宗葬醫巫閭山

論曰前史嘗云創業易成守難吾於世宗益信世宗地居上嗣運屬樂推兵威不戢關河流毒自謂荒淫無妨而不知諸部之心離自謂專欲可成而不知蕭牆之釁啟三十餘年血戰之基業而繼繼承承乃若此守成之難不信然歟



城加國志

卷四

